

永樂大典

卷七千五百十

# 永樂大典卷之七千五百十

十八陽

倉

## 社倉

隋書食貨志開皇十六年五月。諸春。置成康武文芳宥旭泚峽。渭紀。河廓。幽。隴。涇。寧。原。穀。丹。延。綏。銀。扶。葑。州。社倉。垂於當。梓。安。置。二月。又。詔。社倉。准。上。中。下。三。等。稅。上。戶。不。過。一。石。中。戶。不。過。七。斗。下。戶。不。過。四。斗。唐。會。要。高。祖。武。德。元。年。九。月。四。日。置。社。倉。其。月。二。十。二。日。詔。曰。特。建。農。園。用。督。耕。耘。恩。俾。齊。民。既。庶。且。富。鍾。慶。之。量。其。同。水。火。宜。置。常。平。監。官。以。均。天。下。之。貨。市。肆。騰。踊。則。減。價。而。出。田。畝。豐。羨。則。增。糶。而。收。庶。使。公。私。俱。濟。家。給。人。足。抑。止。蕪。井。宣。通。壅。滯。新。唐。書。食。貨。志。唐。制。其。凶。荒。則。有。社。倉。賑。給。不。足。則。徙。民。就。食。諸。州。致。知。萬。唐。倉。法。何。以。數。變。唐。自。武。德。置。社。倉。本。因。隋。制。社。倉。正。為。凶。荒。賑。給。法。然。考。戴。胄。奏。古。大。業。中。國。用。不。足。並。取。社。倉。以。充。官。費。故。木。塗。無。以。自。給。於。是。有。義。倉。之。請。然。則。自。隋。以。來。社。倉。兼。充。官。費。不。專。為。賑。荒。用。社。倉。之。不。足。為。備。宜。矣。自。貞。觀。中。置。義。倉。蓋。因。戴。胄。建。議。本。為。歲。凶。給。民。後。然。考。降。及。武。后。數。十。年。間。乃。禁。義。

永樂大典卷之七千五百十

倉。不。許。雜。用。是。則。武。后。之。時。則。民。病。矣。然。諸。唐。調。物。八。月。上。旬。起。輸。諸。租。十。一。月。起。輸。取。之。各。有。時。矣。且。有。事。而。加。役。旬。有。五。日。則。免。調。三。十。日。則。租。調。皆。免。是。有。時。用。役。而。不。用。賦。矣。水。旱。霜。蟲。為。災。十。損。四。以。上。免。租。六。以。上。免。租。調。七。以。上。課。役。俱。免。是。又。有。時。因。天。災。而。賦。役。俱。不。用。矣。租。庸。調。三。者。之。法。並。立。而。不。並。用。且。因。時。而。損。益。之。不。害。其。為。良。法。也。惜。也。不。二。百。年。間。而。此。法。遽。改。壞。之。以。蕪。井。重。之。以。括。羨。加。之。以。兩。稅。而。民。因。日。深。議。者。皆。曰。唐。初。雜。賦。非。田。所。出。兩。稅。之。後。布。縷。出。於。田。力。役。出。於。田。諸。所。征。求。皆。出。於。田。何。嘗。十。稅。五。斯。言。亦。不。誣。矣。宋。史。隱。逸。傳。魏。挾。之。字。子。實。自。幼。有。大。志。嘗。請。依。古。社。倉。法。請。官。未。以。貸。民。至。冬。取。之。以。納。于。倉。挾。使。者。素。敢。挾。之。捐。奉。十。餘。斛。假。之。歲。歲。散。如。常。民。賴。以。濟。諸。鄉。社。倉。自。挾。之。始。錢。顛。上。神。宗。乞。天。下。置。社。倉。下。開。國。之。所。以。為。國。者。以。有。民。也。民。之。所。以。為。民。者。以。有。教。也。國。有。九。年。之。儲。不。謂。之。有。備。家。無。三。年。之。蓄。必。謂。之。不。給。有。國。有。家。者。未。始。不。先。於。儲。蓄。也。故。管子。曰。倉。原。實。知。禮。節。水。食。足。知。榮。辱。此。之。謂。矣。下。竊。見。諸。處。農。民。雖。力。四。時。不。務。蓄。積。一。有。水。旱。遂。至。狼。狽。深。可。惻。惻。且。設。按。隋。文。帝。開。皇。中。曾。令。天。下。之。人。節。儉。輸。粟。名。為。社。倉。行。於。當。時。民。無。饑。饉。此。實。濟。眾。之。良。策。也。以。且。愚。欲。乞。於。天。下。

州縣。遂鄉村各令依舊置社倉。當豐年秋成之時。只於上三等有四戶。量出斛斗以備賑濟。第一等不過三石。第二等不過二石。第三等不過一石。或以鄉或以村為額。仍令眾人選擇有物力一戶。充社倉頭。一年一替。以所聚斛斗藏置其家。即具聚戶實數申報所屬官司。判押為據。或有損失。亦迎甲頭陪填。貴免使欺之弊。若遇荒歉。即查數依借於下等貧民。聽將未歲檢日官為索還。依前入社倉收貯。候聚及三年。或無水旱。即具存留。所責常有三年之備。或無水旱。一方之民。且較有貴賤。歲有凶壘。所飲至輕。所濟甚博。歲月稍久。蓄積亦多。縱值水旱之灾。免致流亡之患。伏乞指揮下諸路轉運。詳酌施行。道學名臣言行錄。朱晦菴乾道七年。五夫三里社倉始成。歲一斂散。俾願貸者出息什二。小斂則地半息。甚則盡蠲之。建陽崇安縣志。社倉四並。乾道七年以後置。實經始於邑人胡奉郎。劉公知惠。今待制晦菴朱公素云。五大里。黃亭市。吳七里。根恩院。大安舖。宋朱子語類。因民戶計較沮撓社倉倉官。而知縣不恤曰。此事從來是官吏見這些米糧出入於士民。不歸於官吏。所以皆欲沮壞其事。今若不存倉官。數年之間。立使敗壞。雖二十年之功。俱為無益。曾朱子語類。錄唐石有社倉。往往支發不時。故彼人來告先生云。穀弊之道。在今

永樂大典卷七十五

日極是要嚴不嚴如何。得實惠及此等細民。朱晦菴集社倉事目。初今并以此州。宣教郎直祕閣新提舉兩浙東路常平茶鹽公事朱熹。今具社倉事目如後。一。逐年十二月。分委諸部社首係正副。將舊保簿重行編排。其間有停藏逃軍。及作過無行止之人。隱匿在內。仰社首隊長。覓寨中報尉司。連提解縣。根究其引致之家。亦乞一例斷罪。次年三月內。將所排保簿赴鄉官交納。鄉官照校。如有漏落。及妄有增添。一戶一口不實。即許人告。審實中縣。乞行根治。如無欺弊。即將其簿經算人口。指定未數。大人若干。小兒減半。候支貸日。將人戶排米狀。批填監官依狀支散。一。逐年五月下旬。新陳未接之際。預於四月上旬。申府乞依例給貸。仍乞選差本縣清強官一員。人吏一名。糾于一名。前來與鄉官同共支貸。一。中府差官批。一面出榜排定日分。分都支散。先連使送。一。一郡。曉示人戶。庶幾六百文以上。及自有管運。米食不闕。不得積貨。各依日限具狀。批內開說。大人小兒。數。結保。每十人結為一保。連相保。委。如保內逃亡之人。因保內借取保。十人以下不成保。不支。正身赴倉請米。仍仰社首係正副隊長。大保長。並各到倉。檢認面日。照對保簿。如無偽冒。重疊。即與簽押保明。其社首係正等。人不保。兩字。上保明者。德。其日。監官同鄉官入倉。據狀

依次支散其保明不實別有情弊者許人告首隨事施行其餘即不得選阻如人戶不願請貸亦不得妄有抑勒一收支米用淳熙七年十二月本府給到新濟黑官桶及官斛每桶支米五石十仰斛于依公平量其監官鄉官人從逐廳只許兩人入中門其餘並在門外不得近前按撻攬奪人戶所請米斛如違許被擾人當廳告覆重作施行一豐年如遇人戶請貸官米即開兩倉存留倉若遇飢歉則開第三倉專賑貸深山窮谷耕田之民庶幾豐荒賑貸有節一人戶所貸官米至冬納還不得過十一月下旬先於十月上旬定日申府乞依例差官將帶支斛前來公共受納兩平交量舊例每石收耗米二斗今更不收上件耗米又慮倉廩折闕無所從出每石量收三升準備折闕及支支斛等人飯米其米正行附曆收支一申府差官訖即一面出榜排定日分分都交納先近便處一日一都仰社首隊長告報保頭保頭告報人戶遞相糾率違一色乾硬糙米其狀同保共為一狀本及不得交納如保內有人違令即同保均備納足赴倉交納監官鄉官吏斛人等至日赴倉受納不得妄有阻節及過數多取其除並依給米約束施行其收水人支斛子要知首凡以干夏支貸日不可差誤一收支米訖連日轉上本縣所給印曆事畢日具總數申府縣

永康縣志卷之十五

三

照會 一每遇支散交納日本縣差到人吏一名斛子一名社倉筭交司一名倉子兩名每名日支飯米一斛約半月發遣裹足米二石共計米一十七石五斗又貼書一名貼斗一名各日支飯米一斗約半月發遣裹足米六斗共計四石二斗縣官人從七名鄉官人從共一十名每名日支飯米五升十斗共計米八石五斗已上共計米三十石二斗一年收支兩次共用米六十石四斗逐年蓋牆并買菜鷹備補倉廩約米九石通計米六十九石四斗一排保式某里第某都社首某人今同本都大保長隊長編排到都內人口數下項 甲戶九人若干口小兒若干口居住地名某處或產戶開批產錢若干或口煙耕田開批買賣上着外來係某年移來逐戶開餘開右某等今編排到都內人口數在前即無漏落及增添一戶一口不實如招人戶陳首甘伏解縣斷罪謹狀 年月日大保長姓名押狀 隊長姓名保正副姓名社首姓名一請米狀式某都第某保隊長某人夫保長某人下某處地名保頭某人等幾人今遞相委就社倉借米每大人若干小兒減半候冬收日備乾硬糙米每石量收三升前來送納保內一名走失事故保內人情願均備取足不敢有違謹狀 年月日保頭姓名狀 甲戶開名 大保長姓名 隊長姓名 保

永樂大典

卷七五一〇

長姓名。社首姓名。一社倉支貸交收米斛。合係社首保正副告報隊長保長隊長保長告報人戶。如闕隊長。許人戶就社倉陳說。告報社首。依公差補。如闕社首。即中尉司定差。一簿書鎖鑰。鄉官公共分掌。其大項收支。須監官簽押。其餘零碎出納。即委鄉官公共掌管。務要均平。不得徇私容情。別生姦弊。一如過豐年。人戶不願請貸。至七八月。兩產戶願請者聽。一倉內屋宇什物。仰守倉人常切照管。不得毀損。及借出它用。如有損失。鄉官點檢勒守倉人備償。如此小損壞。違時脩整。大段改造。臨時共因依中府乞撥米斛。具位未盡奏節文。一臣所居建寧府崇安縣兩雅鄉。有社倉一所。其法可以推廣。行之它處。欲望聖慈。行下諸路州軍。曉諭人戶。有願置立者。州縣量支常平米斛。資付本鄉出等人戶。主執飲散。隨宜立約。實為久遠之利。其建寧府社倉見行事目。謹錄一道進呈。伏望聖慈詳察。特賜施行。十一月二十八日。三省同奉聖旨。令戶部看詳開奏。勅命。行在尚書戶部。準淳熙八年。十二月二十八日。勅中書門下省尚書省。送到戶部狀。準淳熙八年。十一月二十八日。尚書省。送到宣教郎直祕閣新提舉兩浙東路常平茶鹽公事朱熹劄子。奏。臣所居建寧府崇安縣兩雅鄉。有社倉一所。係。乾道四年。鄉民艱食。本府給到常

永樂大典卷七五一〇

四

平米六百石。委臣與本鄉土居朝奉郎劉如愚同共賑貸。至冬收到元米。次年夏間。本府復令依舊貸與人戶。冬間納還。臣等中府措置。每石量收息米二斗。自後逐年依此飲散。或遇小歉。即蠲其息之半。大饑。即盡蠲之。至今十有四年。量支息米。造成倉廩三間。收貯已將元米六百石。納還本府。其見管三千一百石。並是常年人戶納到息米。已中本府照會。將來依前飲散。更不收息。每石只收耗米三升。係臣與本鄉土居官及士人數人同共掌管。過飲散時。即中府差縣官一員。監視出納。以此之故。一鄉四五十里之間。雖遇凶年。人不闕食。竊謂其法可以推廣。行之它處。而法令無文。人情難強。要意欲乞聖慈。特依義役體例。行下諸路州軍。曉諭人戶。有願依此置立社倉者。州縣量支常平米斛。資與本鄉出等人戶。主執飲散。每石收息二斗。仍差本鄉土居官員士人有行義者。與本縣官同共出納。收到息米十倍本米之數。即送元米還官。却將息米飲散。每石只收耗米三升。其有富家情願出米作本者。亦從其便。息米及數。亦與撥還。如有鄉土風俗不同者。更許隨宜立約。中官遵守。實為久遠之利。其不願置立去處。官司不得抑勒。則亦不至搔擾。此皆今日之言。雖無所濟於目前之急。然實公私儲蓄預備久遠之計。及今敷載施行。人必願從者衆。伏望聖慈

詳察特賜施行取進止。三省同奉聖旨。令戶部看詳開奏。本部合檢準紹興重修常平免稅。令下項諸州常平錢穀及場務錢不足中提舉司通一路之數移用。仍聽互相兌使支撥。諸義倉附常平倉監專兼管廩屋。以轉運司倉充其積藏。而應兌換者。準常平法。無轉運司倉處。撥充常平物。諸義倉計夏秋正稅。無正稅稅處。物昂之類折為稅者。準此。每一斛別納五合。應量熟計一斛九分以上。即納一升。同正稅為一鈔。不收頭子脚乘錢。及耗限一日。先次交入本倉。出利通正稅。候量量畢。亦依一日提效如稅。即正稅不及一斛。并本戶放稅二分以上。及孤貧不濟者免納。諸義倉稅唯充賑給。不得它用。縣遇災傷。當職官體量。自第四等以下開食戶給散。若放稅七分以上。通第三等給。並預申提舉司。審度行訖奏。諸災傷計一縣放稅七分以上。第四等以下戶之種食者。雖舊有欠闕。不以月分。聽結保貸借。即穀不堪充種子者。紐直以錢。各成貫石。給限一年。隨稅納。仍免息州預以應支數。保明申提舉司。行訖申尚書戶部。雖計一縣放稅不及七分。而本戶放稅及七分者。準此。本部看詳。欲行下諸路提舉司。徧下本路諸州縣曉示。任從民便。如願從上件施行。仰本鄉土居或寄居官員有行義者。具狀赴本州縣自陳。量於義倉米內支撥。其飲散之事。與本鄉耆

永樂大典卷七十五百十

五

老公共措置。州縣並不須干預抑勒。仍仰提舉司類聚具申。聽候朝廷指揮奏聞事。十二月二十二日。三省同奉聖旨。依戶部看詳到事理施行。奉勅如右。牒到奉行前批。十二月二十四日辰時。付戶部施行。仍開合屬去處。須至指揮兩浙東路提舉常平司。王者仰一依令未勅命。指揮疾速施行。仍開合屬去處。符到奉行。淳熙八年十二月日下。書令文郭繼令。史頓地主事全安信。將作少監兼權戶部郎中兼權押新除郎官。跋語。淳熙八年冬。十有一月己亥。臣熹以備使浙東。奉行荒政。蒙恩召上。延和殿戒諭。臨遣因得具以所居建寧府崇安縣開羅鄉社倉。本末推說條奏。誤蒙開納。即詔頒其法於四方。而臣熹又以使事。適獲奉承。仰戴皇仁。頓首幸甚。因竊惟念里社有倉。實隋唐遺法。往歲里中妄意此舉。所以收恤隱民者。蓋偶合其微指。顧以國家未定。著令。是以不能遠及。且懼其弗克久。今乃得蒙上恩。徧下郡國。將遂得與闕守之間。倉生之類。均被仁聖之澤。於無窮。固已不勝大幸。而策取下里斗升之積。又得上為明詔之所稱揚。下為四方之所取則。抑又有榮耀焉。故敢具刺尚書戶部。所被勅命。下浙東提舉常平司者。屠于故里。本倉總事而記其說。如此。俾千萬年。含哺鼓腹之儔。有以無忘帝力之所自云。淳熙九年四月丙辰。宣教郎直

祕閣提舉兩浙東路常平茶鹽公事。借緋臣朱熹。拜于稽首謹言。勸立  
社倉榜。當司恭奉聖旨。建立社倉。已行印榜。遍下管內州縣。勸諭。專據  
紹興府會稽縣鄉官。新嘉興主簿諸葛脩職。名十能。狀乞請官。未置倉給  
貸。而致政。依承務。名宗文。新台州司戶王迪功。名若水。衢州龍游縣朱承  
節。名起于。等。又乞各出本家米穀。置倉給貸。當司獎勸。前件官員。心存惻  
怛。惠及鄉閭。出力輸財。有足嘉尚。除已遵依所降指揮。具申朝廷外。須至  
再行勸勉。量出米穀。恭奉聖旨。建立社倉。庶幾益廣。朝廷發政施仁之意。  
有以養成里閭睦姻。任卹之風。再此勸諭。各請知委。九年六月 日。建  
寧府崇安縣五大社倉記。乾道戊子。春夏之交。建人大饑。予居崇安之  
開輝鄉。知縣事。諸葛侯廷瑞。以書來屬予。及其鄉之耆艾。左朝奉郎劉侯  
如愚曰。民饑矣。盡為勸家民發藏粟。下其直以振之。劉侯與予奉書從事。  
里人方幸以不饑。俄而盜發。浦城。距境不二十里。人情大震。藏粟亦且竭。  
劉侯與予憂之。不知所出。則以書請于縣于府。時數文閣待制信安徐公  
嘉知府事。即日命有司以船粟六万斛。泝溪以來。劉侯與予率鄉人行四  
十里。受之黃亭步下。歸籍民口大小仰食者若干人。以率受粟民。得遂無  
饑亂以死。無不悅喜。歡呼聲動步邑。於是浦城之盜。無復隨和。而束手就

永樂大典卷七十五

禽矣。及秋。徐公奉祠以去。而直敷文閣東陽王公淮繼之。是冬有年。民願  
以粟償官貯里中。民家將輦載以歸。有司而王公曰。歲有凶穰。不可前料。  
後或艱食。得無復有前日之勞。其留里中而上其藉於府。劉侯與予既奉  
教。及明年夏。又請于府曰。山谷細民。無蓋藏之積。新陳未接。雖樂歲不免  
出倍稱之息。貸食豪右。而官粟積於無用之地。後將紅腐。不復可食。願自  
今以來。歲一欽散。既以紓民之急。又得易新以藏。俾願貸者出息什二。又  
可以抑僥倖。廣儲蓄。即不欲者勿強。歲或不幸小饑。則弛半息。大侵則盡  
蠲之。於以惠活。鯨鱓。塞禍亂原。甚大惠也。請著為例。王公報皆施行如素。  
既而王公又去。直龍圖閣儀真沈公度繼之。劉侯與予又請曰。粟分貯民  
家。於守視出納不便。請做古法。為社倉以儲之。不過出捐一歲之息。宜可  
辦。沈公從之。且命以錢六萬助其役。於是得籍富黃氏廢地。而鳩工度材。  
馬。經始於七年五月。而成於八月。為倉三亭。門墻宇舍。無一不具。司會  
計董工役者。貢士劉復。劉侍與里人劉瑞也。既成。而劉侯之官江西。其府  
予又請曰。復與得與皆有功於倉。而劉侯之子將仕郎琦。嘗佐其父於  
此。其族子右脩職郎坪。亦廉平有謀。請得與并力。府以予言。悉具書禮請。  
為四人者。遂皆就事。方且相與講求倉之利病。具為條約。會丞相清源公

永樂大典

出鎮茲土。入境問俗。予與諸君因得具以所為條約者。迺白于公。公以為便。則為出教。俾歸揭之。捐問以視來者。於是倉之庶事。細大有程。可久而不壞矣。予惟成周之制。縣都皆有委積。以待凶荒。而隋唐所謂社倉者。亦近古之良法也。今皆廢矣。獨常平義倉。尚有古法之遺意。然皆藏於州縣。所患不過市井惰游輩。至於深山長谷。力穡運輸之民。則雖饑饉。而所不能及也。又其為法太密。使吏之避事畏法者。視民之殍。而不敢發。往往全其封儲。遞相付授。至或累數十年。不一嘗者。一旦甚不獲已。然後發之。則已化為浮埃聚壤。而不可食矣。夫以國家愛民之深。其慮豈不及此。然而未之有改者。豈不以里社不能皆有可任之人。欲一聽其所為。則懼其計私以害公。欲謹其出入。同於官府。則鈎校靡密。上下相遁。其害又必有甚於前所云者。是以難之。而有弗暇耳。今幸數公相繼。其愛民慮遠之心。皆出乎法令之外。又皆不鄙吾人。以為不足任。故吾人得以及是數年之間。左提右挈。上說下教。遂能為鄉閭立此無窮之計。是豈吾力之獨能哉。惟後之君子。視其所遺之不易者如此。無計私害公。以取疑於上。而上之人亦毋以小文拘之。如數公之心焉。則是倉之利。夫豈止於一時。其視而做之者。亦將不止於一鄉而已也。因書其本末如此。刻之石。以告後之君子。

永樂大典卷七十五

七

淳熙甲午夏五月丙戌。新安朱熹記。黃氏日抄五夫社倉記。乾道戊子。先生與劉君如愚。勸分以振其鄉。崇安縣之荒。俄而盜發浦城。乃請于郡太守徐公壽。得粟六百斛于鄉之人。無復從盜。王公准繼之。守是年冬。民以粟償官。命留里中。而正其籍。明年先生請歲一欵散。俾願貸者出息十二。小饑則弛半息。大饑則盡蠲之。王公報皆施行如章。沈公度繼之。又請做古法。為社倉。以儲貯云。文獻通考淳熙八年十一月。浙東提舉朱熹言。乾道四年。開建民艱食。熹請於府。得常平未六百石。請本鄉土居朝奉郎劉如愚。共任賑貸。夏受粟於倉。冬則如二計息以償。自後逐年欵散。或遇少歉。即蠲其息之半。大饑則盡蠲之。凡十有四年。得息未造成倉廩。及以元數六百石。還府。見管米三千一百石。以為社倉。不復收息。每石只收耗米三升。以故一鄉四五十里。間雖遇凶年。人不餓食。請以是行於司倉。時陸九淵在勅令局。見之。嘆曰。社倉幾年矣。有司不復掛墻壁。所以遠方無知者。遂編入脈恤門。凡借貸者十家為一甲。甲推其人為之首。五十甲則本倉自有擇一公。平晚事為社首。五月告示社首下。都結甲。其有糶匪。逃軍。及作過無行止人。互相覺察。及有耗錢水食不闕者。並不得入甲。仍門人戶願與不願入甲。開具一家大人若干口。小兒若干口。大人一石。小兒



# 永樂大典

卷七五二〇

減半。五歲以下不預請。中頭加請一倍。社首親自審訂虛實。取各人親手押字類聚齊備。齎赴本倉。存日首共無弊。然後連一排定中頭。寫上都簿。明或某人借若干石。休五簿給。與中頭收執請較。仍分兩時乞款。初當下四時。次當秋耕時。秋禾成熟運穀不得過八月三十日納足。較有濕惡不實者罰之。嘉定本真德秀師長沙行之。然今所在州縣間有行之者。皆以素之已行者為式。凶年饑歲。人多賴之。然事久而弊。或主者倚公以行私。或官司移用而無可給。或拘納息米而未嘗除免。甚者拘催無異正賦。良法美意。胥此為失。必有仁人君子以公心推而行之。斯民庶乎其有養矣。宋晦菴集建寧府建陽縣長灘社倉記。建陽之南里曰招賢者。三地接順昌。既寧之境。其阻多阻而俗尤勦悍。往歲兵亂之餘。莠莠不盡去。小遇饑饉。輒復相挺。羣起肆暴。率不數歲一發。雖尋即夷滅無遺類。然願民良族。畧刻之間。已不勝其驚擾矣。紹興某年歲適大侵。姦民處處羣聚。飲博嘯呼。若將以踵前事者。里中大怖。里之右士魏君元履為言於常平使者。求俟復一。得米若干斛以貸。於是物情大安。姦計自折。及秋將歛。元履又為請得菴倉長灘厩置之旁。以便輸者。且為後日凶荒之備。每數以頗有司。自是歲小不登。即以告而發之。如是數年。三里之人始得飽食安居。以免於震擾夷滅之禍。而公私遠近無不陰受其賜。蓋元履少好學。有大志。自為布衣。而其所以及人者已如此。蒙其惠者雖知其然而未必知其所以然也。其後元履既沒。官吏之職其事者。不能勤勞恭恪如元履之為。於是粟腐於倉而民饑於室。或將發之。則上下請賂為費。已不貲矣。官吏來往。又不以時。而去內之際。陰收顯奪。無弊不有。大抵人之所得稅糶居半。而償以精鑿。計其候司亡失諸費。往往有過倍者。是以貸者病馬。而良民康康於凶歲。猶前日也。淳熙十一年。使者宋侯君水聞其事。且知邑人宣教郎周君明仲之賢。即以元履之事移書屬之。且下本臺所被某年某月某日。制書使侍奉以從事。蓋歲以夏貸而冬歛之。且收其息什之二。馬行之三年。而三里之間。人情復安如元履亡恙時。什二之收。歲以益廣。周君既以增葺其棟宇。又將稍保其餘。以漸及於傍近。蓋其惠之所及。且將日增月衍。而未知其所極也。周君以予嘗有力於此者。來請文以為記。予與元履。早同師門。遊好甚焉。既遠感其陳迹。又嘉周君之能繼其事。而終有成也。乃不辭而為之。說如此。則又念昔元履既為是役。而予亦為之於崇安。其規模大略。故元履獨歲貸收息為小異。元履常病予不當租剝。剝聚歛之餘。謀而予亦每憂元履之粟久儲。速腐。患既狹。而將不久也。講

永樂大典卷七五二〇

八

論餘日。孟酒從容。時以相督督而訖。不能以相強。聽者從旁抵掌觀笑。而亦不能決其孰為是非也。及是宋侯周君乃卒。周子所請事。以成元復之志。而其效果如此。於是論者遂以子言為得。然不知元復之言雖疏。而其忠厚懇惻之意。苟然有三代王政之餘風。豈于一時苟以使事之說所能及哉。當時之爭。蓋子之所以為戲。而後日之請。所以必曰息有年數。以先者。則猶以不忘吾友之遺教也。固非書之以視後人。使於元復當日之心。有以得之。則於宋侯周君今日之法。有以守而不壞矣。元復名某。嘗以布衣召見。天子悅其對。即日除太學錄。尋以數論事不侍。久居中。既而天子思復召用之。則元復既卒矣。上為怆然久之。詔有司持贈直秘閣云。十三年七月辛卯。新安朱熹記。建寧府建陽縣大關社倉記。招賢里大關社倉。漢院之社倉。新侯官大夫周君某之所為。而長灘之別貯也。始秘閣魏君之築倉於長灘。非擇其地而處之也。因其船米之委於是。而藏焉耳。故倉之所存。極里之東北。而距西南之堯遠。或若干里。貧者多不使之。而是時率常數歲乃一往來。則猶未甚以為苦也。淳熙甲辰。周君始以常平使者。宋公之徵。司其發歛之政。而以歲貸收息之令。從事既為之。更定要末。搜剔虛弊。而以時頒焉。民已悅於受賜矣。周君因益問以因革之宜。而有

永樂大典卷之五

以道里不均之說告者。且曰。自今以往。一歲而往來者再。則其勞佚之相絕。又非前日比矣。周君於是白之宋公。而更為此倉。以適遠近之中。且令西南堯之受粟者。即而輸焉。來歲遂以遠近分土。使各集于其所以待命。民既歲得飽食。而又無獨遠甚勞之患。於是咸德周君。而相率來請文。以記其成。昔子讀周禮旅師遺人之官。觀其頒歛之疏數。委積之遠通。所以為之制數者。甚詳且密。未嘗不歎古之聖人。既竭心思。而繼之以不忍人之政。其不可及乃如此。及今而以是倉之役觀之。則彼其詳且密者。亦安知其不有待於歷時之久。待人之多。而後乃至於此耶。因為之記其本末。以為後之君子。或將有考於斯焉。周君字居晦。好讀書。有志當世之務。文事亦精敏。絕人。不但此為可書也。倉凡二間。高若干尺。廣若干尺。深若干尺。始作以某年某月某日。越某月某日成。用工若干。錢若干。佐之者。里之人某也。十三年丙午歲。七月甲午。新安朱熹記。黃勉齋集原建寧社倉利病。竊見閩中之俗。建寧最為難治。山川險峻。故小民好鬪。而輕生。土產狹隘。故大家寡恩。而畜施。米以五六升為斗。每斗不過五六十錢。其或早及踰月。增至百錢。大家必閉倉。以俟高價。小民亦羣起。殺人。以取其米。閩里為之震。賦官吏用於誅捕。苟或負固難擒。必且嘯聚為變。往者里之寄

居有憂其然者遂請於官得米五六百石賑貸於其里計其口數給以五月至冬而輸取息二分日增月益累數千石米日益多所及益廣謂之社倉其後他郡縣亦有倣而為之者鄉民五六月間坐得一月之糧一月之後早禾已登場矣是以米價不至騰踊富家無所牟利故無閒糶之家小民不至乏食故無劫奪之患二十餘年里閭安帖無復他變蓋所以陰消潛捍之者皆社倉之力也數年以來主其事者多非其人故有鄉里大家詭立名字貸而不輸有至數十百石者然細民之貸者則毫髮不敢有負去冬少歉漕使趙公行部索得詭名之徒所通甚多恐無以償遂鼓率陳詞乞權免催趙公遂從其請而細民善良者亦觀望而不輸矣所在社倉索然一空今歲五六月間鄉民遂失常年社倉所貸一月之食其勢不得不奔走告糶於大家大家利其告糶之急遂索價愈高至於百八九十金而無可糶之處較之常年則是三倍其直矣由是細民之艱食者百十為羣聚於大家以借未為名不可則徑發其廩又不可則殺其人而散其儲居民皇皇為之不安崇安一鄉大家相率逃避於州縣者不可勝數人情如此誠非小故雖國家法令嚴密不敢有變而患生不測可為深慮若社倉之制自此而廢則嗣歲之憂誠未艾也為今之計莫若行下本路監司

永樂大典卷七五五

十

委官早行措置去歲之通必有索之之道積年之弊必有革之之方使社倉之制既復則建寧之民可安事雖若微所關甚大不可不熟慮不可不早圖未晦庵集建昌軍南城縣吳氏社倉記 乾道四年建人大饑素請於官始作社倉於崇安縣之開羅鄉使貧民歲以中夏受粟於倉冬則加息什二以償歲小不收則弛其息之半大侵則盡弛之期以數年于什其母則惠足以廣而息可遂捐以予民夫行之累年人以為便淳熙辛酉素以使事入奏因得條上其說而孝宗皇帝幸不以為不可即頒其法於四方且詔民有募從者聽而官府毋或與焉德意甚厚而吏惰不恭不能奉承以布于下是以至今幾二十年而江浙近郡田野之民猶有不與知者其能慕而從者僅可以一二數也是時南城貢士包揚方客里中適得尚書所下報可之符以歸而其學徒同縣吳仲與其弟倫見之獨有感焉經度久之乃克有就遂以紹熙甲寅之歲發其私穀四千斛者以應詔旨而大為屋以儲之泚事有堂燕息有齋前引兩廊對列六廡外為重門以嚴出內其為條約蓋因崇安之舊而加詳審焉即以其年散飲如法鄉之愚民有所仰食無復兒徒變亂之虞或以德於吳氏而仲與倫不敢當也則謹謝曰是倉之立君師之教祖考之澤而鄉鄰之助也吾何力之有哉且

今雖幸及於有成。而吾子孫之賢否不可知。其時既有不能如今日之志。以失信於鄉人者。則願一二父兄為我教之。教之一再而不能從。則已非復吾子孫矣。蓋亦相與言之有司。請正其罪戾。其懼而有改。其亦可也。於是眾益咨嗟嘆息。其賢以為不可及。而邑君以書來道其語。且遣倫及仲之子孫來請記。其病力不能文。然嘉其意不忍拒也。乃為之書其本末。既以警夫吳氏之子孫。使其數世之後。猶有以知其前人之意如此而不忍壞。抑使世之力能為而不肯為者。有所羞愧。勉慕而興起焉。則亦所以廣先帝之盛德於無窮。而又以少致孤臣泣血號弓之慕也。慶元丙辰正月己酉。朱熹記。周益公大全集跋朱元晦所作南城吳氏社倉記。某遭遇孝宗皇帝。陪二府者十年。每歲必聞宣諭云。朕自中春農事興。即憂水旱。直至十月米穀上倉。然後放心。洋洋聖謨。二帝三王所未有也。方社倉畫旨時。某在東府。實奉宣德意。下之有司。今南城吳仲倫兄弟請書此記。乃敢載聖語于後。當有告于太史氏者。其位周某書。某繫齋集跋吳晦夫社倉。王荆公行青苗之法。取二分之息。而公論非之。朱公立社倉之規。亦取息米二斗。與青苗若無以異。而公論稱之。何也。曰。青苗之取息也。無窮。或不能償。則有追齊之擾。有箠楚之害。民不能堪。率破其家。言利之弊。至

永樂大典卷七十五草

十一

如此。社倉則異是矣。其始雖不能無息。然歲歉則蠲其半。大饑則蠲之。十倍其初。則無復有息。方當履之之時。賴此以濟。人感其恩。幾不償者。豈必待督責哉。此善之善者也。而吳君伯仲能行之。苟無利心焉。可不謂賢乎。建樓藏書。勉其子孫孜孜務學。又將以維持社倉為經久計。此皆發於良心。不能自己者。續此氣脉。生生不窮。言積善之家者。將由吳氏有餘慶矣。余是以嘉之。楊誠齋集寄題南城吳子直子常上舍兄弟社倉。有虞有宋雙重華。兩聖一心民一家。練針刺水農事起。重華愁早從此始。黃雲登場萬寶秋。重華對天失却愁。二十八年臨玉座。大半光陰愁裏過。天顏憂喜丞相知。常平使者陳便宜。倡為社倉首建溪。吁江吳札承君師。伯霜仲雪發爾私。支奇虐魅于莫施。活幾係子幾凍黎。詔于又孫孫又子。箇是重華聖人意。無論十世百千世。項安世悔業後編寄題吳氏社倉始晦庵朱先生作社倉於建寧之崇安縣。因奏事及之。乞頒其法於天下。孝宗為下其奏。於是建昌軍南城。吳仲倫兄弟首應詔書。而晦庵又為之記。慶元六年庚申。予卧病江陵。南城人包揚以其記來求詩。適與朱氏家疏同。至讀之心折。不敢以病為解。遂作四韻寄二吳。臨筆江然涕泗交下。時十月五日也。淹劇無餘易愴神。社倉新記重關心。前朝詔在恩淪骨。遺老

# 永樂大典

卷七五二〇

書存沃滿襟。永念君仁多善德。肯因師死下喬林。皇天老眼明於鏡。魁柱  
書樓萬桂陰。未晦庵集。婺州金華縣社倉記。淳熙二年。東萊呂伯恭父  
自婺州來訪于於屏山之下。觀於社倉發歛之政。喟然嘆曰。此周官委積  
之法。隋唐義康之制也。然子之殺取之有司。而諸公之賢不易遺也。吾將  
歸而屬諸鄉人士友。相與糾合而經營之。使閭里有賑恤之儲。而公家無  
禽合之費。不又愈乎。然伯恭父既歸。即登朝廷。與病運家。又不三年而卒。  
遂不果為。其卒之年。浙東果大饑。子因得備數。推擇奉行。荒政。按行至婺。  
則婺之人。狼狽轉死者已藉藉矣。子因竊歎以為。向使伯恭父之志得行。  
必無今日之患。既而尚書下子所奏社倉事於諸道。募民有欲為者聽之。  
民蓋多慕從者。而未幾。子亦罷歸。又不果有所為也。是時伯恭父之門人  
潘君叔度。感其事而深有意焉。且念其家自先大夫時。已務賑恤樂施。年  
歲捐金帛。不勝計矣。而獨不及聞於此也。於是慨然白其大人。出家穀五  
百斛者。為之於金華縣。婺女鄉。去期里之四十。有一都。歛散以時。規畫詳  
備。一都之人賴之。而其積之厚。而施之廣。蓋未已也。一日以書來曰。此吾  
父師之志。母兄之志。而吾子之所建。雖子幸克成之。然世俗不能不以為  
疑也。子其可不為我一言以解之乎。子惟有生之類。莫非同體。惟君子為

## 永樂大典卷七五二〇

十一

無有我之私以害之。故其愛人利物之心。為無窮。特窮而在下。則為役之  
事。有非其分之所為者。然苟其家之有餘。而推之以于鄰里鄉黨。則固吾  
聖人之所許。而未有害於不出其位之戒也。况叔度之為此。特因其墳廬  
之所在。而近及乎十保之間。以承先志。以悅親心。以順師指。且前乎此者  
又已嘗有天子之命于四方矣。而何不可之有哉。抑凡世俗之所以病于  
此者。不過以王氏之青苗為說耳。以子觀於前賢之論。而以今日之事驗  
之。則青苗者。其立法之本意。固未為不善也。但其給之也。以金。而不以穀。  
其處之也。以縣。而不以鄉。其職之也。以官吏。而不以鄉人士君子。其行之  
也。以聚歛。亟疾之意。而不以惻怛。忠利之心。是以王氏能以行於一邑。而  
不能以行於天下。子程子嘗極論之。而卒不免於悔。其已甚。而有激也。子  
既不得辭於叔度之請。是以詳著其本末。而又附以此意。發人蓋多。叔度  
同門之士。必有能觀於叔度所為之善。而無疑於青苗之說者焉。則庶幾  
乎其有以廣大君師之澤。而使環地千里。永無捐瘠之民矣。豈不又甚美  
哉。叔度名景憲。與伯恭父同年進士。年又長。而屈首受學。無難色。師受守  
其說不懈。益度於是無不讀。蓋深有志於當世。然以資峭直。自度不能隨  
世俯仰。故自中年不復求仕。而獨於此為拳拳也。十二年歲己巳。冬十月

庚戌朔記。邵武軍光澤縣社倉記。光澤縣社倉者。縣大夫毗陵張侯所之所為也。光澤於邵武諸邑最小而僻。自張侯之始。則以病夫市里之間。民無蓋藏。每及春夏之交。則常糶糶而食艱也。又病夫中下之家。當產子者。有不能舉而至或棄殺之也。又病夫行旅之涉吾境者。一有疾病。則無所歸。而或死於道路也。方以其事就邑之隱君子李君。呂而謀焉。適會連帥趙公亦下崇安。建陽社倉之法於屬縣。於是張侯乃與李君議。略攷其意。作為此倉。而節縮經營得它用之餘。則市米千二百斛。以充入之。夏則損價而糶。以平市估。冬則增價而糶。以備來歲。又買民田若干畝。籍僧田民田。當沒入者若干畝。歲收米合三百斛。并入于倉。以助民之舉子者。如帥司法既又附倉。列屋四楹。以待道塗之疾病者。使皆有以棲托。食飲。而無暴露迫逐之苦。蓋其創立規模。提挈綱領。皆張侯之功。而其條畫精明。綜理纖密者。則李君之力也。邑人既蒙其利。而歌舞之。部使者亦聞其事。而加勸獎焉。於是張侯樂其志之有成。而思有以告來者。使勿壞。則以書來請記。予讀古人之書。觀古人之政。其所以施於鰥寡孤獨困窮無告之人者。至詳悉矣。夫古既遠。法令徒設。而莫與行之。則為吏者賦歛誅求之外。亦飽食而嬉耳。何暇此之問哉。若張侯者。自其先君子而學於安

永樂真卷五章

三

定先生之門。則已悼古道之不行。而抱遺經以痛哭矣。及其聞孫遂傳素業。以施有政。宜其志慮之及此。而能委心求助。以底于有成也。李君於予。蓋有講學之舊。予每竊歎其負經事綜物之才。以老而無所遇也。今乃特因張侯之舉。而得以粗見其毫末。是不亦有病夫。故予既書張侯之事。而又附以予之所感於李君者。米者得有考云。紹熙四年春三月丁巳。新安朱熹記。宜春。洋鄉縣有社倉。先是知縣孫達。言以西南兩路田瘠稅重。人少貯蓄。細民無所借貸。遂做朱文公陳請社倉規模。輸俸糶米於西烏岡市南米田市。置倉兩所。各儲一百三碩。請二士人掌之。遇春夏散借。冬熟收歛。入息三分。歛歲收二分。以一碩為率。支息米四升。充鼠雀耗。一升給守倉人。三升給催取甲頭。其簿籍官為印押。逐處主人自行收歛。官不預。淳熙十六年。續置九倉。縣側橫頭倉。宜世顯等米二百碩。神田倉。朱應辰等米百碩。盧溪倉。黃慶等米三百五十碩。宣風倉。孔晦等米一百九十五碩。大安倉。吳衛等米百碩。石塘倉。賀應叔米三百碩。南金坊倉。蔡顯祖等米百三十一碩。西北樺村倉。李如堦等米百一十碩。上粟倉。柳承節。嚴米百碩。九九倉。縣尉潘友文奉倉臺命。勸諭士民。自出本米。各建倉廩一方。甚以為利。自後上粟。大安里樺村三倉。皆廢久矣。宣風盧溪石塘

三倉紀綱廢弛。今未有任其責者。惟縣下東西兩倉。及孫令后西南兩倉。金場一倉。歛散如故。然皆久以本米給還其家。止以所儲息米歛散。而歲止收一分之息。縣西倉又以存倉積米出糶得錢二千緡。足買民田一百餘畝。填買及五千祀。即盡蠲息米。如有欠折。即以田分米補湊。度幾愆久。不致廢廢。其餘則以俟歲歉。或減市價賑糶。或均給元借農民。或煮粥以食餓等。邑士鍾詠作縣西社會記。宋文公有跋績。又有縣之北村黃塘口丘君寶一倉。乃自出本米。歲收息二分。亦已附縣籍矣。鍾詠萍鄉縣西社會記。淳熙戊申歲大侵。奎華潘公友文尉萍鄉。講行荒政。先是有司徒。住第民產之高下。咸俾出來。分日振乏。民或有田無積者。固不容以實免。其或無田而積反厚。或力可致之遠方。則又憚官有定價。歲為常額。而不收出其所有。於是盡革前弊。乞糶勸分。專以誠信感動。故文移一出。而從者翕然。邑賴以濟。記事公猶以嗣歲為憂。載念朝廷頒浙東常平使。者所上崇安社會法于四方。而往者侍郎孫公達吉。率是邑。又嘗斥俸除立兩倉於邑之西鄉。成式具存。即是而增益之。為經久計。宜莫良於此。甫屬意也。值括蒼趙公汝謙行常平事。適下其法於郡縣。謨公勸率是邑。公雅志在此。孜孜問諭。曾不踰月。民樂於應命。自郭至鄉。為倉者九。且願輸

永樂大典卷七五五

西

己之積無動有司。集於己酉歲之六月。迄今九年。倉猶未建。歲儲主事者之家。儲益多。隘弗克勝。始合議。初屋於縣之西。闕為堂六楹。外為都門。兩廡。列為六度。緣以垣墻。莫以守者之舍。費五十萬有奇。報息未為之。凡倉之歛散。皆主於邑之士。而官不與焉。其有頑戾弗輸。則官為督趣。且常致其主。依維持之意。總其事者。詠與彭君公脩。厚其儲力其事者。柳君廷傑。宗顯。宜君師賢。九德。元凱。率三山周公世昌。薄廬陵董公冲元。分俸以示表倡。尉青江王公衛實。督建倉之役。柳君宗顯佐之。既落成。因具顛末如此。將藉是以請於當今之大賢。而識之以詔來者。慶元丁巳十月。既望。邑士鍾詠述來悔庵集。跋袁州萍鄉縣社會記。萍鄉胡君安之來學於余。一日。致其鄉人士君子之意。欲余為之記。其社會之役。及扣其詳。則出是書一卷。曰。此邑士鍾君詠之所為也。是倉之成。鍾君及彭君公脩實有力焉。故所登載詳悉如此。余因嘉其敏於事。而又能述以文也。因念紹熙甲寅之歲。赴鎮長沙道出茲邑。邑之士子。導予以觀於其學。而請記之。及行堂序間。則既有亡友劉君清之之刻在焉。予拱而讀。顧而歎曰。美哉。予子澄之。言也。諸君日誦而時有之。則亦無以予言為矣。即謝去。不敢為。諸生至今猶有望於余也。矧曰。是倉之成。既出鍾君之手。而此文又出其筆。則

亦何以異於學之有記而復何待於余言哉。又况天下之事是非得失固有定在。而其盛衰興廢亦有繫於時勢而不可常者。顧余之衰謝淪落。徒足以為是倉之累。而不足以增其重。諸君亦何所賴而求之。若是其勤耶。為諸君計。莫若具刻鍾君之記以示後人。使讀之者有以知其成之之不易如此。而不忍壞焉。斯亦足矣。胡君告歸。因跋其尾以授之。且以寄謝庠序諸君。使毋忘子澄之教也。慶元庚申二月辛巳春分晦。庵病叟朱素書。

南康志南康軍社倉嘉定八年江東常平使李中奏知南康軍趙師夏得節泛費趙錢二千貫米一萬二千碩儲以為社倉之用所宜主張成就且以風示他郡其南康三縣惟建昌舊略有社倉規模今先解進士胡滿兄弟肯任其責仍令軍縣官勸諭三縣士民繼續為之準省劄行下備江東提舉李中劄子以前知南康軍趙司直趙積錢未為社倉之用今與勸上項米一萬二千碩以本軍三縣地分廣狹戶口多寡酌量分撥內建昌撥六千碩都昌縣撥四千五百碩星子縣撥一千五百碩其餘運米斛建社倉股就以錢二千貫支用其規式一倣建昌而頗增廣之每縣選寄居及士人之有行義者充都鄉官每鄉又自選鄉官一員提督條畫畢具井井可觀或遇水旱有司未及申請朝廷未及撥降而鄉村糴糶便有準擬

永樂大典卷之五草

十五

既無舟車運載之勞亦無胥吏減剋之患春散秋斂循環不已官司不費惠利無窮欲將上件米一萬二千碩永充三縣社倉米本其本軍不得拘回準劄付南康軍從所中事理施行爾後接續增廣椿積之數已倍於前至于貸斂以來都昌建昌易米為穀皆從民便但行之既久不能無弊為倉官者或私其幹僕而不及鄉民或因循侵耗以虛數交承虧損元額實祐癸丑郡守趙希悅克紹前志極力整葺而弊端不能盡革建昌都昌間有不齊集者且差充倉首半皆推避遂致斂散間有不能以時者殊失惠民美意後之來者不可不於此加之意也 又初立社倉記 本軍建昌縣舊有社倉規模嘉定乙巳郡守趙師夏撙節浮費趙錢二千貫米一萬二千碩以三縣地分廣狹戶口多寡酌量分撥建昌六千碩都昌四千五百碩星子一千五百石般運大船建立倉殿之費就以錢二千貫支用每縣選寄居及士人之有行義者充倉首縣委官一員提督春貸秋斂民甚蒙惠歲月浸久倉首不無侵虛虧失之弊淳祐壬子郡守希悅克紹先志力加整葺漸復其舊但倉首之職宛轉推抵頗費定差獨建昌為甚嘉嘗立斂散無虧以所管多寡量免役次月日之令遵而行之使無失濟惠初心端有賴於來者云 又云復齋陳公宓治郡有聲未可悉舉其尊賢則



永樂大典

卷七五一〇

昔躬周木祠堂。其教荒則務行實惠及民。鼎建治事廳。不擾而辦。維持三邑社會。最加意焉。千萬士民。甘棠之思。至今為之不絕。劉漫塘集南康胡氏社會記。社會之制。昉於隋。詳於近世。宋文公之奏。文公以稱貸資民之所不免。而倍稱以償。亦人情之所不堪。思有以輕之。故沿隋之制。酌今之宜。行之於所居之建陽。今社會落落布天下。皆本於文公。姑以文公所行。與所聞於他郡者論之。其本或出於官。或出於家。或出於衆。其事已不同。或及於一鄉。或及於一邑。或難而不貸。或貸而不報。吾邑貸於鄉。難於市。其事亦各異。况他郡所行。未久輒弊。有因其弊而廢者。吾邑事方權輿。安可不蚤計。方思之未得。故人胡伯量適自南昌之建昌來。伯量蓋學于朱氏者。至門之伯量喜而言曰。吾嘗行之吾邑之小蟹里。既効矣。請為子言之。凡子所疑。厥本有異同。所及有遠近。所行有難貸。隨事之宜。要不必計。所當知者。體統欲一。責任欲分。體統不一。則彼此牽制。雖有善意。不得施。責任不分。則意向偏曲。雖有良法。不盡用。今吾里之事。所以行之久而無弊者。其始會吾家積歲之贏。得穀六百斛以貸。蓋吾兄弟合謀為之。謀之同。而異意無自生。行之決。而異議不得播。故其體統歸一。越二十年。運于今。合本息二千斛。以數之日。蓄事之日。股吾兄弟出處不齊。而吾兄弟之

永樂大典卷七五五

六

子若孫。有時不能盡勝其責也。故各以其地之所地而屬諸其人。使散之。必按其實。而多寡不得私歛之。各異其藏。而美惡不相紊。庶幾子得之于以為何如。子曰。敢聞命。雖然。是或一遺也。蓋體統一而責任不分。則智力有不給。責任分而體統不一。則聯絡有不通。故以一言。亦曰。欲其戮力一心而已。昔吐谷渾王阿柴將死。令其子二十人各獻一矢。取一矢授其弟。使折之。矢應手而折。并十九矢。使折之。則不能。阿柴乃語之曰。汝曹知之乎。孤則易折。聚則難摧。請子感其言。吐谷渾以強社會之事。猶是已。不然。狡者欺之。頑者負之。強者奪之。吏之無職者。侵漁之。社會欲存。行乎哉。伯量曰。然。吾歸將壽于子。石與兄子姪及里中人共圖之。豈惟為社會計而已。伯量名泳。兄弟萬學。其兄濟甫冠舉于鄉。未幾。兄弟滿令。為東流令。泚為南安令。伯量娶歲高。踰不屑事科舉。餘四人者。皆為名進士。其進未可量云。朱晦庵集常州宜興縣社會記。始子居建之。索安常以民饑。請於郡守徐公壽。得米六百斛以貸。而因以為社會。今歲三十年矣。其積至五千斛。而歲歛散之。里中遂無凶年。中間蒙恩召對。輒以上聞。相施行之。而諸道莫有慮者。獨聞帥趙公汝愚。使者宋公若水。為能廣其法於數縣。然亦不能述也。紹熙五年春。常州宜興大夫高君商考實始為之於其縣。

善奉閭閻諸鄉凡為倉者十一合之為米二千五百有餘斛擇邑人之賢者承議郎趙君善石周君林承直郎周君世德以下二十有餘人以典司之而以書來屬于記于心許之而未及為也會是歲浙西水旱常州民饑尤劇流殍滿道顧宜與獨得下熟而貸之所及者尤有賴焉然予猶慮夫貸者之不能償而高君之惠將有所窮也明年春高君將受代以去乃復與趙周諸君皆以書來趣予文且言去歲之冬民負米以輸者雖屬爭先視貸藉無命合之不入予於是益喜高君之惠將得以久於其民又喜其民之信愛其上而不忍欺也則為之記其所以然者抑又慮其久而不能無故於其間也則又因而告之曰有治人無治法此雖老生之常談然其實不可易之至論也夫先王之世使民三年耕者必有一年之蓄故積之三十年則有十年之蓄而民不病於凶饑此可謂萬世之良法矣其次則漢之所謂常平者今日行之其法亦未嘗不善也然考之於古則三登春平之世蓋不常有而驗之於今則常平者獨其法令簿書完給之僅存耳是何也蓋無人以守之則法為徒法而不能以自行也而況於所謂社倉者聚可食之物於鄉井荒閑之處而主之不以任職之吏取之不以流徒之刑苟非常得聰明仁愛之令如高君又得忠信明察之士如今日之數

永樂大典卷七十五

公者相與并心一力以謹其出納而杜其姦欺則其法之難守不待已日而見之矣此又予之所身試者故并書之以告後之君子云慶元元年三月庚午既望具位朱熹記陸象山集與陳教授書 敬里社倉日今固為農之利而愚見素有所未安蓋年常豐田常熟則其利可久苟非常熟之田一遇歉歲則有散而無斂來歲闕種種時乃無以賑之莫若兼置平糶一倉豐時糶之使無價賤傷農之患闕時糶之以推富民開康濟債之計析所糶為二每存其一以備歉歲代社倉之價實為長利金穀於歲早處頗多通糶計之只可作六分熟故里今歲得兩偶多凡社倉所及皆有粒米狼戾之興倘得二千緡可得粟二千碩鄉斗於官為一千碩來歲糶一千碩存一千碩為後年之備逐年更糶之可與社倉俱廣為無窮之利故里社倉所及不過二都然在一邑中乃獨無富民大家處所謂農民者非佃客莊則佃官莊其為下戶自有田者亦無幾所謂客莊亦多僑寄官戶平時不能贍恤其農者也當春夏闕米時皆四出告糶於他鄉之富民極可憐也此乃金穀之窮鄉今社倉之立固已變愁嘆為謳謠矣况得平糶一倉以彌縫其闕推廣甚惠雖舞當如何耶今農民皆貧當收穫時不復能多藏亟須糶易以給它用以解進責使無以糶之則債必甚賤而果淺

於未商之舟與富民之康。未歲必重困矣。前所言未償亦準鄉斗所難之價耳。今歲之價必下於此。則所得未數當加多。為利不細。向來梭山家兄嘗陳五利之說於主管陳丈。即以白之倉臺。尋得陳丈書謂倉臺已許可。其時家兄以鄉間無未可難。故不獲卒請。某屬者亦嘗言於倉臺。但未稟幕中二丈。欲望會次及之。倘不以為不然。却幸見報。家兄當具稟以卒所請也。又與黃墮書。某竊見鄉來趙丈舉行社倉。故里亦立一倉。委梭山家兄主其事。某頗有所未安於中。昨亦嘗稟聞。愚見以為莫若為平糶一倉以輔之。乃可長久。平糶則可獨行。社倉未必可獨行也。社倉施於常熟鄉乃可久。而不常熟則歛歲之後無補於賑卹。平糶則豐時可以受農民之粟。無償賤傷農之惠。闕時可以推富民開康騰價之計。政使獨行亦為長利。今以輔社倉之所不及而彌縫其闕。又兩盡善矣。其詳已嘗託陳教授布稟。番陽志社倉之議始於闕之崇安縣。因乾道戊子歲饑。故侍講朱熹借其里人朝奉郎劉如愚措置。乞之郡貸米六百石。區畫賑糶。比冬十收其息之二。積有四年。盡以元本歸之官。而所贏凡三千一百石。自是歛散。每石祇收耗三升。雖位凶饉。人不困糶。乃上其事乞推之天下。孝宗特俞之。仁政及民。莫此為要。今餘干縣有兩倉。其一則紹興五年轉運司

以本縣所發賑濟之米。猶存價錢一千一百九十五貫有奇。今知縣江同祖備社倉之規。置倉于福應鄉。以其錢糶米凡七百三十三石二斗。春頒秋歛。息以二分。耗如息四之一。其二則慶元五年本縣及大慈北鄉之民。請于州欲做而行之。乃括其資產之券。質之州庫為錢一千二百二十七貫有奇。得米七百石。頒之。民凡七百二十四戶。息耗視前。遲之五年。息可償本。出納以尉提督於縣。黃氏曰。少撫州金谿縣李氏社倉記。咸淳七年。余承乏撫州。適歲大饑。賴撫之賢士大夫相與講求賑貸。因多有以社倉事來論。臨川縣李君德傑首以書來曰。鄉有李令君捐粟六百石為倡。將成社倉。幸因以風厲其餘。余報曰。甚矣社倉之法之良之可慕也。亦甚矣社倉之弊之甚之可慮也。余前歲負丞廣德。見社倉元息二分。而倉官至取倍稱之息。州縣展轉侵漁。而社倉或無耗石之儲。且法以十戶為甲。一戶逃亡。九戶陪備。逃者愈眾。陪者愈苦。大則防其逃也。或坐倉展息而竟不貸本。或臨秋貸錢而自取其息。民不堪命。或至自經。余謂此文公法也。無秋讓變。余謂非變其法也。救其弊耳。乃為之請於朝曰。法出於黃帝。堯舜尚當變通。法立於三代。成王尚須損益。安有法本先儒而不可為之。救弊使法本於先儒。坐視其弊而不救。豈先儒所望於後之人哉。朝廷可

之。既又念臨川以官司之煩。不若聽從民間之便也。又為之請於朝曰。宋文公社倉法。主於減息以濟民。王荊公青苗法。亦主於減息以濟民。而利害相反者。青苗行之以官司。社倉主之以鄉曲耳。故我孝宗皇帝頒文公法於天下。令民間願從者聽。官司不得與。廣德社倉。初於官。故其弊不一。請照本法一切歸之民。朝廷又可之。余遂得符半餘之力。經理更革。以其收息。凡費皆取辦於六百畝官田之租。事甫集而余去官。未知近何如。至今猶念念不能忘。此予親歷於廣德者如此。若凡他州各縣之有社倉者。聞其弊往往而然。殆不勝述。及來撫州社倉。幸皆鄉曲之自置。有如文公初立之本法。然亦間有名雖文公。而人不文公。其初雖文公。而其後不文公。倚美名以俾厚利者亦已不少。余方為之憮然以懼。何敢更以官司預社倉之事哉。夫抵小民假貸皆起於貧。貸時則易。還時則難。貸時雖以為息。索時或以為怨。倘稍從而變通之。鳩錢買田。豐年聚租。荒年賑散。不惟不取其息。併亦不取其本。庶乎有利而無害。凡皆余答李君之說如此。而未敢以為信也。未幾金谿李君沂復以社倉法來俾余為記。及閱實其始末。蓋一家自為之計。而依法惟取二分之息。不借勢於官。不鳩粟於衆。故

水集卷之五

光

能至今無弊。利民為博。今歲之歉。一邑賴之置倉如此。信能以文公之濟人者濟人矣。然有治人無治法。良法易泯。流弊難防。君能如文公更望君之子孫世世如君也。因錄所報李君之說以道之。先是郡之新豐饒。君景淵亦嘗以社倉求余為說。其法取息視文公尤輕。貸而負者去其藉而不責其償。事益省而民益安。并書以道之。咸淳七年。冬至日。承議郎權發遣撫州軍州事節制軍馬黃震記。紹興府會稽縣前志會稽縣社倉記。社倉一名義倉。始於隋開皇中。史臣以為天下義倉皆充滿。由唐以來。歷代雖皆不廢。然不復能如隋之盛。至國朝熙寧三年七月己巳。御史言齊州科配義倉。取數太多。民何以堪。大臣亦謂人有餘粟。藏之於家。有何所害。而固欲使之輸官。非良法也。遂詔廢義倉。已納者給還。然後雖廢。豈不一多失本指矣。淳熙八年。提舉浙東常平朱秘書通當歲歉。乃奏以常平兼建社倉。付富室。歛散每石以息二斗。凶歲則蠲其息。又以士大夫或舉人有行義者。與縣官司出納。俟息未及十倍。即以本米還官倉。專以息米歛散。每石止收耗米三升。士民願以所藏米充入者亦聽之。如官米法。戶部看詳以為可行。而一時議者以為每石取息二斗。乃青苗法。紛然攻訐。然朝廷卒行之。併下諸路。諸路既不能皆如詔。而府外之六縣亦止報府

# 永樂大典

卷七五二〇

言一而措置。竟不以已立社倉為言。惟會稽山陰二縣。至今為小民之利。方來公為此時紳士尚書。希呂實左右之。慶元二年。提舉李少監。大性復以常平米一千五百石。增置社倉。在會稽則若馬山。若妙智。若資壽。若廣教。若淨社者。凡五處。在山陰則有梅山之本覺。柯橋之靈秘。南池之興教。迎恩。稽山之廟庵。凡五處。又以常平錢。雜慈福官米一千五百石。每倉以三百石為率。又於會稽城廟。取舊米本米二百七十石。有奇。立邑山倉。共為倉十二所。今王公朱公李公。民皆立祠。以時祀享。雖他善政多可紀。社倉尤其著者也。袁望齋集。洪都府社倉記。漢耿壽昌。是請築倉邊郡。糶賤時增價。而糶貴減價。而糶謂之常平。其稱甚美。宣帝亟從之。而蕭望之獨言其不然。史稱望之非壽昌。而不明著其語。故莫得而考。然壽昌常糶。關內穀美。望之以為。曾於高功分錄之事。意者常平。見識亦若此爾。觀元帝時。諸儒言是倉可罷。毋與民爭利。則望之之言尤信。洪惟我朝。養民以仁。雖常平之置。襲前代之迹。而德意所存。與前代不類。民有藉隄。趨而拯之。如救其子。宜暇因以為利哉。雖然。博施濟眾。堯舜猶病之。今發倉庫以惠困窮。惟大饑之歲。不以道遠而輟。苟非時有所賑恤。及於耳目之所接者而止。豈不欲遠力不足也。然則何以處之。曰。自古制法。固有不能獨行者。

永樂大典卷七五二〇

二十

者常平之惠。未博。精思熟講。求可以相輔者。兼而行之。惠斯博矣。社倉之設。其常平之輔乎。有餘則歛。不足則散。與常平無以異。然常平聚於州縣。而社倉分布於阡陌。官無遠運之勞。民有近糶之便。足以推廣常平賑窮之意。此所謂輔也。已。洪都今為大府。而土非膏腴。民鮮積貯。平糶則僅給歲獻。則流殍。邦人病之。郡丞聖君。有俊請復社倉。自南昌新建二邑始。郡捐錢千萬。屬里居之。賢連江宰陶君。武泉幕裘君。萬河。擇士之堪信仗者。分糶之。以待來歲之用。將漕。胡公聞而是之。運米二千斛。助成茲事。詹于佛廬于道。觀者十有一端。緒既開。推之他邑。可以次第而舉。時于價貴。亟下其估。與民為市。賤復糶之。如環斯循。為吾民便。何時已耶。夫天下之最不便於民者。二。敢於為。盡有。糶吏焉。巧於漁利。有豪民焉。今置是倉也。委之士類。公其出納。則糶吏莫措其姦。嚴有不登。米無甚貴。則豪民不閉之糶。增益之俾加厚。維持之俾可久。及其進於此也。不惟減價而糶。而直以糶價糶之。純於為民。無私心焉。可不謂仁政乎。昔者周官大司徒之屬。有遺人者。惟施惠是職。鄉里門閭。野鄙縣都。皆有委積。班班相望。共億惟謹。今之社倉。毋乃依倣於是。相時發歛。均被無遺。膏澤沾濡。既優既渥。以繫民心。以培邦本。嗚呼。真良法也。夫端可為常平之輔也。夫。攸縣志。勸立。

義廉文 太守到任以來。近因禱雨。為邦人久遠之計。在諸縣則廣置社倉。儲穀萬石。歲出貸其為慮悉矣。社倉之要有四。其一曰抄割貸戶。其二曰支貸。其三曰交納。其四曰守掌。諸家規約。大抵悉委鄉官。其為力太勞。其任責太重。故憚煩畏事者。有所不樂為。今抄割數實。則責之保正副。而鄉官審之而已。支貸則責之措置官。而倉官同監視而已。看守責之寺院。主首。而鄉官特同共掌管而已。惟催納交收。專委鄉官。力不至甚勞。而責亦不至太重。况兩歲則替。無久遠耗折之憂。免役一年勞逸。又粗可相補。社乞覓不使之費財。則有約未休。日優禮遇。不使之屈辱。皆所以為鄉官計。乃所以為社倉計也。真西山集嘉定甲申待制真公德秀。帥潭日請于朝。以錢債當年馬鞍。分撥十二縣。以貸細民。縣領所留穀。以置八倉。隨鄉之廣狹。以給貸之。又奏置十二社倉狀。臣恭惟孝宗皇帝。深惟民食之重。因未素。有請。頒社倉法于天下。自是數十年間。凡置倉之地。雖遇凶歲。人無菜色。里無鬻殮。臣少時實親視其利。歲久法壞。每為之太息。嘉定乙亥。蒙恩將漕江東。歲適旱蝗。承詔措置荒政。奔走屬部。親見饑窮之民。惟鄉落最甚。而效果又為最難。勞費不翅數倍。因慨然深念。使社倉之法。推行而不廢。在在皆有藏粟。以之振民。猶取之懷也。其利豈不博哉。至是

永樂大典卷十五

五

益知孝宗皇帝之聖謨神畫。有百世不可易者。近歲士大夫以其蠹弊多端。往往歸尤於法。至欲舉而廢之。抑不思古今之法。苟無弊。亦在大維持整飭之爾。姑以常平義倉論之。使漁移易。其害亦不一矣。然卒不可廢者。以其害不能掄利故也。何獨社倉必欲舉而廢之哉。仰賴聖朝。深知此法。未容輕變。前後監司守臣。有欲建立者。皆詔可之。凡今有倉之地。如建昌南城袁州萍鄉等處。推行有法。人家實惠。而潭之屬。縣曰長沙者。亦有倉二十八所。蓋慶元初。知縣事饒幹所立。距今三十餘載。雖不能去弊。而窮民賴之亦多。臣叨帥湖湘。適潭人連歲艱食。今夏早暵。尤甚。構積之餘。齋居深念。所以為一方饑饉之備。蓋無出社倉之右者。於是博節浮費。以官錢易穀于總所。凡八萬碩。益以他穀。共為九萬五千餘碩。十二縣置倉。凡百所。令人戶之當輸穀于州者。就輸之社倉。其歛散之規。息耗之數。大蓋悉做未熹所上條約。而因時採弊。視俗制宜者。又加詳焉。此蓋淳熙勅旨之所許也。仰惟二聖臨御之初。方務行孝宗故事。臣敢昧死以聞。其中請事宜上之尚書省。乞賜教奏施行。伏望聖慈。察臣汲汲為民之心。從臣所請。頒降指麾。令本州常切遵守。庶幾良法美意。久存而不壞。貧民下戶。得以蒙天施於無窮。臣不勝大願。長沙府湘陰縣古羅志真西山中有撰

穀網狀 本州昨為湖南一路今夏一早甚廣而潭州為甚早稻之傷。及其半熟早之狀日以千百已委官分行檢視入秋以後雖幸得雨然潭之風土多種早稻其視晚禾居什之七晚禾雖稔自輸官之外歲餘無幾富家之所儲蓄細民之所仰食唯早稻而已今既不稔則來歲春夏間闕食必甚預備之計豈容不講然常平之積既以甚乏其它又無米料可以那融僅非控告朝廷存留網運則州郡雖有救卹之心安能使之蒙被實惠運於閏八月初七日畫項具申朝廷數內一項諸縣鄉村貧民至眾每歲艱食唯仰勸分今富家所收既自無幾今雖見行勸諭置立義庫儲穀出糶終恐難以專恃貧民下戶既無穀種又乏日食將何以為布種之資農事失時田土荒廢尤可深慮其勸本州連年合起馬料九萬五千餘石赴襄陽交納擬乞朝廷矜憫免行起發一年容本州措畫就諸鄉村置厰受納於來歲農事方興之際委官出賃米等入戶充為種糧至秋成輸官仍復椿管以備次年給貸不特救一時之急又可為悠久之利除一面先次措置外伏望朝廷特賜矜允割下總領所撥會施行萬一總所以馬料難於之供願從本州那撥官錢依今冬時價并紐并水脚磨費赴總所交納古者凶荒之年馬不食穀今蓄養戰騎務在豐肥固難盡從古誼然糶

永樂大典卷七五章

圭

餉馬之穀八九萬石以活力耕輸賦之民朝廷至仁必所不靳云云宋戴邦用文長沙府大覺社倉始末 鄉里有委積以卹藉危縣都有委積以待凶荒此周公相成王奉平之盛典也待制具公帥潭之明年湘陰早田間苦巨浸晚稻耗於烈風以故穀價翔踴既而屬邑復以早告公視民饑猶已畢力殫慮上下協濟發庫勸分歲雖荒而不饑然公謂一時措置非經久之策於是有所請於朝截雜馬穀義米命十二邑成立社倉以貯之穀貸末等之有田者末則雜細民之無田者殆將為潭民世世之利公其以周公之經理成周者理潭歟湘陰為都三十二置倉七大覺尤教善安顯慶國奉宗司寇諸是也通命令尹四明林罔任提督之責命尉府上饒余為其任措置之責選煥中之賢得廬陵朱漢檢察其事三君者相與協心戮力是究是圖不以文具應命分行田野咨訪父老知道里遠近戶口多寡躬自相視通融酌中區處畫于圖籍由是貧富強弱阨塞疾苦具得其實令尹入於每倉增助百斛以廣紳君之惠今大覺倉就寺之西廡撤而新之周圍上下以板護以壁固以牆上三間貯米扁曰義倉下四間貯穀扁曰社倉通約所貯以斛計者可三千所費以緡計者一百六十有二七都出納悉隸于此於倉之都門建公祠堂提督檢察措置官預馬蓋將使

邦人知公創置之意。又知奉承者之不苟如此。異時若守與令。皆推此心。則是利豈直歲月計哉。邦用材竭力腐。誤被使令。同邑士。鄧黠董其事。三君丁寧告戒。得弗侵。故不敢不勉。謹述此以識是倉之始末。若夫開湘山之石。而紀其盛美。自有大手筆在。非邦用敢借。嘉定甲申。進士戴邦用記。

又王鈞重建崇因社倉記。宋西山真先生帥潭日。初屬邑社倉。湘陰凡七所。崇因其入焉。鈞負丞措置始。至見其因靡為殿。簷暗殿矮。顧瞻太息。寺首僧大權進曰。得非病其湫隘陰潤乎。若吏違之。殿側有地。俾使喜而語之曰。謀契予心矣。侯歸告于長。爾其董是役。越日。運白黃令君。言未既。令君愀然曰。西山美意。僅存一縷。究心乃職。正望後來。地遠而經度。峻峙四殿。重蓋蔽也。中啟一廳。殿出納也。凡廳一軒。居士者也。其殿兩室。處監者也。門選擇使。使無擾也。浴涵有所不遺小也。費錢二十萬。粟三十斛。鈞捐金倡之。令君助之。補其不足者。數畝之監倉。寺首之大權也。役始于壬寅孟夏。迄于季秋。越二年。胡令君來。首訪諸倉。利病有吝。告以崇因倉更置之故。曰。是知務也。乃捐公帑。加備于憲。肅梵砌。意以為諸倉勸。姑華歲月以紀其備。若職掌。若覈實。若夫遺若盤量。昔西山告之君父。盟之神祇。具有規約在。有人心者。當知所遵守。鈞不敢不勉。淳祐甲辰。丞王鈞記。

永樂大典卷之五

重

涿江志。長沙府長沙縣社倉。慶元初。長沙軍統制社倉二十八所。他縣皆未有也。越三十年。大帥真西山念歲旱不常。農食乏與。做饒宰之親。行下諸縣。合群錢內出。竅起立社倉於寺觀。不科鄉保。不擾住持。不白使工匠。申聞于朝。乞將本州嘉定十七年分。合起發湖廣總所。馬穀九萬五千碩。於內截留八萬碩。令諸縣稅戶各就社倉送納。及益以他穀。共九萬五千餘碩。置倉百所。永充賑貸。却折納總所八萬馬穀錢。計官會一十二萬八千貫。水脚錢會共一萬九千三百餘貫。夫木二千五百餘碩。本縣分置社倉九處。計穀九千二百七十三碩。專為賑貸。有田二十畝以下之戶。每年以四月一日支貸。七月催收。每貸一碩。收息穀一斗。費用穀一斗。其逐月織卷條目。自有本州印行社倉規約。在州置司。委通判職官。縣有提督措置官。知縣以提督。社倉繫銜。丞簿尉中。選二員措置。任滿本州覈實無欠。方許批書。鄉士有信義者。及合充保正副者。每倉委請二人充監倉。不律以法。而待以禮。二年一替。仍與免役一年。支貸則措置官同監視。看守則責之寺觀。主首。應合干等人。皆於費用穀內。各有優潤。至十年後。息穀與本穀相登。又貸二十一畝以上之戶。不取息穀。而止取費用穀。其湘民無窮之利也。歲久弊生。自制司取撥息穀。而監倉重困。每歲出貨。則監



# 永樂大典

卷七五一〇

倉保司胥吏計斛索錢收歛則歲取斛面私收折納寺觀亦不能無擾珠  
夫西山之美意而未有以率之者本縣始創九倉四倉隸丞廳五倉隸簿  
廳內龍安一倉監倉以都分散間有請于縣分割一倉於福倉寺今為十  
倉適年准使帖照西山規約春貸秋歛經久勿替云林希逸竹溪集跋浙  
西提舉司社倉記 古人為惠於民未有不自均田始者田不可得而均  
民無以自濟於是貴賤歛散之法然歛司農請於漢官為歛散也故曰  
常平畏孫度支請於隋民自歛散也故曰義倉後人失其意所歸之公家  
於是致亭先生本其初以復之此社倉所由作也其慮甚遠而惠甚博夫  
曾未百年此法亦敝非盡於官吏則盡於豪家民之無仰自若也卓山陳  
公為西畿常平使思行文公之法又本古人之心不聚以粟而求之田蓋  
以粟之藏易弊而田之入無窮視時而散約以其直十之二取而積之積  
之久而田可增田益增則惠益達此豈異人一日之賜哉因思古今良法  
未嘗不可及也推而行之實惟其人文公懲在官之病而康之於民卓山  
又懲積粟之病而本之於田使文公猶及知亦當嘉歎於此余聞人也恨  
文公之法不及於吾郡卓山未聞乃以此集見示使卓山更為闡明其不  
以惠於吳者惠於閩乎民窮甚矣安得如卓山者數十輩俾推行其法以

## 永樂大典卷七五

五

編吾國豈非文公所望於後人者哉李唐軒集代縣宰社倉碁簿序 今  
社倉之制其說有二曰儲米以備賑貸之用也曰歛息以資舉子之給也  
向者崇安開權做隋唐舊制而創為之蓋倉以社名則賴乎里之人相與  
推行而不涉吏手故實惠稍乎而弊端迨塞余淮邑數月適逢帥趙公封  
示崇安條畫俾視效而舉行之會里有處士李某余始到官知其人為一  
日以其事謀之寮友與夫鄉人之善者僉以李為然遂造門而問故李曰  
吾邑東西不及百里南北相距加二十里中多亂山可耕之田僅得三之  
一故樂歲則粗可以給一有水旱之變則食為之不足於是溺于而不舉  
者俗誠有之贖令尹得不為之長慮而使之知父子之親乎又况闕米於  
新陳之未接則憂不在鄉而在市蓋販者無千金之積停者無三日之聚  
鄉人挈擔石以趨市少則有踴貴之患甚則有不繼之憂官盍有以為之  
備乎然捐米以惠人非買田以規歲收之入儲米以備糶非建倉以別在  
官之康則不可以圖久於是議以充令適詳視崇安之成規構究吾邑之  
所便增損而行之惟其所當凡買田建倉官出緡錢二千而糶米所直數  
亦稱是李又推擇其鄉之士八人任鄉官之委以與民附籍縣復委官措  
置以示公私互相維持之意幽遠之民始而疑來請者尚寡中而信歲終

計之已支百斛今買田之外益以沒入之產亦既三倍所收矣所儲千斛若糶以時直而糶以平價雖歲餘亦蒙利焉夫不規利以糶則可使常新取諸歲收而與則可以持久由目前觀之若可以詔後而貽遠矣獨念夫崇安創始之制倡者里人而官為之應故其成若難而久非所慮今吾邑舉行之方官始倡之而里人為之助矧其設施各務得宜則其事跡容有小異至於救民於望為國添丁原其用心則未始不同然念救民之史率以三歲而終更歛歲計之餘錙銖而積其所成立僅止於此至於增光潤色自此豈無與我同志者吾邑之利未見其已時也雖然百里之治欲民化而俗善茲特其一端耳若夫富室之無併豪民之武斷惡習相染而敵民間出頽風相仍而故事時生必將講明治化拔本塞源以成禮義之俗則余之所以望於後之君子詎止於此耶姑撫建置本末出納條例悉列于冊著為姑甚薄正復為之序以冠其首用詔來者使公私皆得以稽考焉都梁志李知新武岡州勸置社倉省劄武岡軍李知軍中竊見前史以歲有豐凶較有貴賤故立常平義倉量州縣大小戶口衆寡時其豐歉資糶賤糶專一惠利小民今則所在州縣多是有名無實又有民社倉者專務勸課上戶蓄積以備凶荒出糶亦為良法今則所在州縣絕無僅

永樂大典卷七十五

重

有本軍自寶慶三年有知軍呂朝散勸諭到在城上戶每年蓄積米二千石至三四月青黃不交之際即以市價斟酌量行裁減出糶尤難此來者傍城內外共二千一百單三家此於小民所補不細照得本軍上戶絕少勸到積米之家多者止數石少者至五七斗事出勉強頗為費力兼其間多有田產遺落戶頭死亡之家官司既有名稱卒難銷路是以兩年之間人戶多有以此陳詞者知新只得與之料量減免是以今歲所存止有一千四百米石知新又勸諭令其自相推擇產業增進之家填補元額然無肯相糾舉者兼當米旨知軍創始之初官司先欲備米七百石為之倡率自後因循即不曾有此米知新到任之後自詔定四年得節淨費至今年六月前後共糶米三千石已於軍衙西廡之外創夾屋三大間專一安貯上項米斛欲在每年四五月間出糶以濟細民候秋成却行收糶歸倉每歲循環為之所存每年糶糶之時出糶則依時價每升減二文收糶則依時價每升增一文如軍人情愿出糶則每升更增一文榜曰每歲十糶接濟民食候秋成日却將價錢如數糶米補填元糶米名不得虧損有妨次年出糶仍常切措置以新易陳毋致欠折損壞除程限兩日先具知稟文狀申尚書省詔定五年閏九月二十日黃氏日抄更革社倉事宜申省狀

照對本軍昨因嘉熙庚子之歎。廉知軍初做朱文公法。初置社倉。春貸秋歛。以惠百姓。景定二年。曾準戶部格。留不貸不歛者五年。至咸淳二年。常知軍慮歲久穀壞。始申朝省。再行貸歛。且與免息一年。咸淳三年。陳提舉行部知社倉法。壞日久。專委兩通判任責。而知軍時提其綱。本軍方當討理未定之初。又與免息一年。夫社倉之設。正以爲民。當五年不貸之時。宜人情之欠鬱。及兩年免息之日。宜人情之甚慰。及今驗之。人情乃有大不然者。凡兩縣十四鄉之民。無不相率赴懇。乞免貸歛。至謂雖不取息。亦須增納。必罷社倉。方獲無事。其等不勝驚怪。極意考覈。乃知借貸之息。輕而水旱之備。豫法固未有善於文公之社倉者也。職掌之人。非而變通之法。疎弊亦未有甚於本軍之社倉者也。蓋廉知軍救民之心。雖即朱文公救民之心。而窘於力之不迫。局於勢之難行。未得盡如文公善後之計者。其要有二。變而通之。正在後之人耳。文公以五夫一區之地。而得建寧大府六百斛之粟。故不必取息增多。但使願貸者出息十二。備耗而已。廉知軍以小壘荒歲一時之力。而欲廣爲千里。將來無窮之患。故志在日久增多。必使盡數均貸。且令計息未足。縣官不得批書。於是奉行者不待其願貸類。迫迫而使之貸矣。是窘於力之不迫。未能盡如文公善後之計者一。

永樂大典卷七五五

奏

也。文公與劉君知愚自利率而救其鄉之人。初不係官府倡率使然之事。故不至於出納輕重。廉知軍正因巨室倍稱取息之虐。遂易以社倉十分取二之廉。及其所使主倉之上戶。即前日倍稱取息之舊人。爲善不出於本心。臨時寧免於故態。於是陽借貸歛濟人之權。陰肆爲富不仁之術矣。是局於勢之難行。不待盡如文公善後之計者二也。惟其力之不逮。而志在增歛。故借貸多不出於小民之情願。惟其勢之不行。而權寄非人。故操制反折而歸巨室之不仁。以巨室之不仁迫小民之不願。又歷以官司之勢。而害其赴懇之門。此初意雖本於文公之社倉。而流弊幾類於蒞公之青苗。勢有必然。事無足怪。雖廉知軍申明之初。朝省回降指揮。已預憂異日反爲閭閻之害。雖廉知軍規約之序。各已預言法久且弊。他日人存政舉之難乎。其人况今日乎。故曰變而通之。是在後之人耳。今即衆願之詞。而據其當革之弊。如貸首抱催足。則有挂孝一都。沈子亨等稱逃亡三十。三戶積欠穀五千八百四十斤。盡押令代納之訴。葛下三都。潘四五等稱祖父充貸首子孫不能脫免。甚至孤寡亦不得免馬之訴。此弊之不可不革者也。如同甲抱逃亡。則有永岳十八都。倪四五等稱逃亡。並要甲內填還。鄉民枉被通勒之訴。桐汭一都。曹十七等稱逃亡。貸穀較不出倉。只就

倉展息息上又生息展轉折陪之訴此弊之不可不革者也。如縣官自十月至二月逐月照約下鄉到倉縣官規避干繫而轉改武官則有清壇社兵百七等稱供需官員之訴延德都高大發等稱被取輸者殺之訴又有武上都張公是等稱見任官急欲回司只取倉職虛申一狀故倉職有折錢入已及殺不入倉之訴此弊之不可不革者也。始慮官司之難於徧察於是各鄉止置一倉今則地里迢遞資次積壓其拘之使貸也守候轉數日而歛也亦如之故有訴貸本僅了撇擔裹足而所納乃白陪者始慮倉職之為姦欺於是諸倉各定一秤今則出入各秤高下異手其貸而給粒也十僅得七八而歛也反倍之故有訴所出不足以了陪納又復取之私債者始慮舊穀之易沒來作之無助於是方春即貸而歛以秋今則逃亡既衆隄防過密其貸多待秋熟特一時藉以規取贏餘甚至穀貴難錢待秋熟而復低價折付反隨即取其倍稱之穀故有訴破家蕩產子孫受害只得逃移以避社倉之苦者其始殺本每鄉僅五百擔今積其利息間已近六七倍而支費耗折之數不預焉窮鄉何以均此歲增之數其始出貸每戶不過四五十斤今強其必貸率不下六七倍而倉職苛取地盤稅之數不豫焉窮民何以出此歲增之息於是訴社倉一年富於一年鄉民一

永樂典卷七十五

七

年窮於一年者有之訴社倉本欲利民今反至於害民者有之訴社倉皆是鄉民運聚之息顆粒不曾散還鄉民而聲冤者有之且聞此等欲懲之情其未已非一日之積凡在州縣提督之職前此亦多親聞其言惟是法源於文公而事本以救民恐更革之未成已謗議之先及人莫敢嚮弊以日深某等相與竊伏思念至於積月累日竊謂雖自昔聖賢未有久而不變之法法至於弊亦未有不可起而救之之理法出於黃帝先舜尚須通變法出於三代盛時猶必損益安有謂法出於儒先忍於坐視其弊而不救者是亦豈儒先立法之本心哉顧惟此事百姓請罷社倉之說雖不可行若倉職漁獵百姓之害豈容不革但勅法固難更革尤難法愈更而愈密則弊愈久而愈深正如宋文公有言天下事本不難為但恐做時不比說時人心不比我心今若更革望其能久正恐後之負今亦猶今之負昔兩縣四十鄉之間安得人人常如康知軍之用心哉惟有簡便或可少紓蓋殺已多矣不必更求增息弊已極矣不容盡倚倉官凡遇成熟並與住貸予以從人戶闔詞之請偶遇水旱減息出貸予以永存康知軍救民之法舊倉職並與改替舊未州縣官吏有聞倉事者並免干預別請近城寄居充旬官成熟年分彼此相忘惟遇水旱則從本軍徑請局官及時下鄉

# 永樂大典

卷七五一〇

監倉職照官秤公平出貸。並聽人戶情願。不必盡數均數。少需秋成欵。仍即封閉如故。此其更革之大綱也。舊規取息并夫遺耗折共收二分二釐。今共止量收一分。預如欵本一百斤。若年年收二十斤。今止出貸七年。收一十斤。內以三釐充局官到倉轎夫。及貸欵職掌諸色雜費。內七釐。以備坐倉耗折。每一年許詒耗一釐。詒至五釐而止。預如欵土名一百斤。一年許詒耗一斤。其出貸年分。不在詒耗之數。舊規倉之副職經兩貸兩欵而升正。又經兩貸兩欵而替。今既不每年常貸。更不拘貸欵次數。仍以二年為例。二年升正。曾經欵數。即與改替。新舊交承。周而復始。以防日久生弊。且將史休舊規。官差兵士在鄉。名坐倉節級。歲久擾人。倉職間亦藉以主威。鄉落今並免差。過貸欵年分。聽於夫遺耗內續行。從便短顧。使喚。舊規倉職有事。並申官司。今止許甲寄居局官聽從。便宜處。有合從官司施行者。須寄居局官申明。此其更革之節目也。本軍除已逐一施行外。所合照康和軍初立舊例。備中朝者。并提舉常平司。照應併錄人戶。今奉詞訴。繳中照應。須至中間者。又更革社倉公移。照對本軍昨經嘉熙庚子大欵。賴康和軍賑救。民獲更生。康和軍荒政結局。又極力措置。每鄉穀本五百石。做朱文公社倉法。歲貸收息。以漸增添。為將來萬一水旱

永樂大典卷七五一〇

天

之備。慮及無窮。恩同父母。世世史民宜共扶植。奈何創始之艱難。繼者易怠。凶荒之苦。樂歲易忘。以至日久弊生。利反成害。官司督促倉職。但欲取足本息。而不知倉職之並緣擾民。倉職陰剝小民。但期倍稱取息。而不恤小民之痛苦無告。甲內逃亡。鄰保均備逃亡。穀本坐倉展息。於是小民畏貸。甚於畏科。數而貧者竟貸之而流亡。上戶避倉職。甚於避差役。而黠者反據之以侵奪。其他枝節不可勝言。去歲之冬。方當檢照規約。預行覈實。合貸人戶。悉據鄉民厚訴。並乞免行貸欵。甚至以為社倉不除。皆當逃避他郡。此雖鄉民被擾。一時忿激之言。然其情亦可知矣。聞之使人驚惻不已。斟酌事宜。量為通變。常年並免貸欵。以順鄉民哀訴之情。荒年減息出貸。以存康和軍仁民之政。舊規息數。又運較。耗較。共收二分二釐。今擬收一分。免耗折支運。將米免收併與住免。向來官司史卒之擾。而請委賢寄居為局官。以鄉官自教鄉民。如朱文公創立社倉本法。通變大要不出此三者。除已備中尚書省。及提舉常平使司。照會去訖。其餘合行事件。分牒關報。合屬去處外。所合備榜曉諭。今開具下項。一。社倉之不免於弊者。正因取息。而倉職得以並緣耳。契勘倉職。先未有解到人戶折納穀錢。見寄留常平庫。今將上項寄庫錢。就近城置賣水田。委局官歲收租利。

為扶助九鄉社倉之基本。應社倉規約內元收耗糶支遣糶。尚後並將所收田租代充。使人戶貸一斤。只歛一斤。更不增收顆粒。所有近者申省權收一分之說。緣此時未議置田。不得不開此項。今出貨未有年分未須支遣。并計將來出貨年分支遣。及在倉每年合糶耗折數。亦非多。百田繞成併可住免。續中照應。一社倉之不免於取息者。又因欲漸積使多以備水旱耳。今除前項近城置田。實息外。更將各鄉元得康知軍糶本五百擔陸續出糶。隨鄉置田。常年積租。荒年賑濟。則自不必取息求多矣。一社倉所以因取息而壞者。亦因積數愈多。則取息亦多。民戶之歲收有限。力不能堪耳。今諸倉見在糶。除五百擔置田。歲取天地無窮之利。免取人戶有限之利。以推廣康知軍美意外。更與格留一千擔。準備出貨。以存康知軍舊規。視元數亦已倍之矣。一諸倉間有見管數多。除五百擔買田。一千擔留貨。而尚有餘利者。皆是倉職得人。鄉民淳良所致。並與今項格留準備水旱年分。盡數散還鄉民。此時亦可少寬官司。學刻上戶數糶等事。一諸倉間有見管數少。不了格留去處。專局日下嚴監倉職欠數補足。一貸糶雖留千擔。仍取人戶情願。不以貸盡為拘。一前件監倉職使欠。皆是覈實倉職已收人戶之數。其元係人戶拖欠者。權與併開。不許倉

永樂大典卷之三

完

職私自催理。為人戶不已之擾。一社倉自是鄉曲之事。今請委寄居充局官之後。凡事並聽局官區處。但寄居行鄉曲事。亦須藉官司之力。而官司為民父母。尤不可一日少忘吾民之事。顧縱經官司。概不免吏卒之擾。此所當防耳。契勅本軍嘉定年間。真西山將漕救荒。專委本軍軍學林教授賑給。書之史冊。千載盛事。而向來嬰兒局近。改義田局。及滄河渡浮橋局。其田租亦皆借重。教官煩其提綱。蓋學校公議所自出。鄉曲議事。可賴以維持。不朽。今來社倉置田。開墾尤大。亦照例附庸軍學。凡田租簿籍。並係局官與教官同會。蓋教官歷雖官司。而無吏卒之擾者。也。無或遇有緊事。合經本軍行移。教官以見任官與之同共稟議。事亦易達。其餘些少文移。局中徑牒縣官等處施行。一局官文書。照紹興府例。就本軍置社倉局。仍照本軍舊例。以書局人充之。遇有公申徑從書局呈押。又恐書局近上人無專工。到社倉局。更差一貼司。到局書寫。兩名。並於田租內支月給。一倉職舊規。兩年為期。兩年升正。而皆。凡職皆經四貸四歛。今既常年不貸。不可專拘四年之限。必在四年之內。曾經一次貸歛。俟四年限滿。亦許替換。或雖經四年。遭值連熟。未經貸歛者。未許替職。一倉職向以為難者。與官司共事耳。今官本置田之後。倉校皆是民。糶貸數止管千擔。

有事直達鄉局。並無向來繁雜。應有倉職改替。請機察保明申局官備申本軍照應。但取物力高強。衆所推服。不可以前來已充為拘。蓋庚子至今已三二十年。縱曾充應。亦當再充。貸者亦知之。一。貸穀止用大秤。昨因別用小秤收息。訪聞倉職多在小秤作弊。今既免收息之後。不許改用小秤。一。舊未鄉民納穀等待資。多至旬日。小民四散搬擔。或至貸本僅了費用。訪聞體例倉職交穀。機察搬穀必待數多。然後入倉。以致鄉民等待不便。今既不常貸常歛。設遇貸歛。又是水旱年分。患難相卹之時。況所貸止千擔。請機察先次下倉點數分撥。不可為倉官過數秤出。既不出息。恐家私作弊。尤當防閑。貸則隨到隨給。歛則隨到隨交。三日一次申歛數。六日一次請機察交盤入版。不可俟歛足而後盤入。以擔問人戶。一。諸倉多有損。舊或無地板處。以致穀易損耗。今既有椿留數目。尤當增置地板。諸倉應有合脩去處。並請日下申明。及時脩置。一。康知軍立社倉之初。係本官自趨到酒息。及季盈家業并其政向剩米。即不將案名官物創置。況今日更革之後。諸倉所存全是息穀。又皆係百姓已物。於官司尤無相干。不獨官司無干。將來水旱有備官司。又將賴之。訪聞舊來官司。或遇窘迫時。曾有欲議移兌者。好官員自是決不肯行。或向後人吏有以此

永樂大典卷七五五

說鼓惑官司之聽者。諸局官以鄉曲大義白之。當職仍先與一面申省照會。一。社倉置田候見數目。亦與申省蠲免苗稅。一。修倉並照康知軍元約於倉穀支遺數內公支。分明出豁。一。以上並係廣德縣諸倉施行。其建平社倉。自康知軍創置以來。即專委本縣。見今煤催差職。搬穀未辦。候到陸續施行。又乞照應本州已監勸饒縣尉貸社倉申省狀。照對本州今歲米貴。民多餓死。拯救無具言之痛心。所籍者惟勸難耳。而勸難亦有難行者。寄居前穀城縣尉饒立。積米累鉅萬。而性吝嗇。其餘中戶高從勸難。惟此第一出等戶。獨不從勸難。凡其回報。皆是相欺。某日揣入微因難以必巨室之聽。最是饒縣尉。編撫州諸邑鄉落。積祖皆有社倉。豐年樂歲。多取貸息。及今荒年。算計日今米貴。將來得息。而或價傾。恐反失利。遂一粒不貸。惟深其高錫。以特宏販。以此民怨入骨。哀訴滿庭。某謂社倉正為荒年設也。今乃豐年。民不願貸。反押貸以取其息。荒年民正仰貸。恐負賴以視其死。此於救荒關繫最大。且社倉本以春貸。今已中夏。又豈容少緩者。但勸之難切。竟無報應。縣尉若儘推。則社倉終於不貸。遂不免請上饒縣尉留之食廳。分項差官四出監貸。而所差同官。以及州縣吏卒。乃感頌相予。謂饒完威制一州。今若行此。禍且至。或叩頭乞免。至於垂

注。某竊念此事。某嘗自為之。萬一果累同官。於心何忍。所合先次中開。乞賜照應。或將來饒縣尉果有詞訴。及或買人游說中傷。某願身坐其罪。無以及同官。不勝願幸。某此止為採荒一事而發。其饒縣尉居鄉過惡。亦不敢併及。以孤初到官。安國恤貧之約。文天祥文山集。業校勸社倉說。社倉之法。阜陵下之四方。而周人委積之意。復續於二千歲之後。文公請也。公畏天命。悲人窮。汲汲焉於當世。天之所以予之者。不輕而得於其時者。復厚。天其有以行之也。校勸業君重開無一命為之階。而倡率同志。嘉惠閭封。已能鑿鑿精實。使君得志於世。文公之議。將次第而克之。昔劉焯食判時。得俸不以自贏。輒買田贖族。或謂范文正此志三十年。非參大政。則有不懼焉者矣。焯為小官。乃能隨力為義。可不謂賢乎。焯之於文正。君之於文公。事有大小。世有難易。心之所推。則吾無間然矣。君雖布衣。尚何不滿乎哉。元程雪樓集。跋魚山李氏社倉事後。官有常平。私有社倉。皆所以利民也。常平廢不復舉。社倉之存者亦無幾矣。今年春。余歸母喪於南城之南。主于魚山李氏。識魚山翁之子仁壽。獨能嗣其翁所立社倉規制。至于今不廢。吁。可謂難矣。仁壽老猶嗜學。其才足以用。而隱居求志。能不失其世守也。豈偶然哉。武陵國經社倉散在武陵縣諸鄉僧舍。問禧末郡。

永樂大典卷七十五

三

守廬陵胡觀置時。丙寅後饑甚。觀力博郡計。鄉撥米百碩以為本。令士友掌之以貸農氏。碩收息三斛。委邑丞從督其事。農民受惠無窮。其後所存多寡。則視所掌者何如爾。瑞陽志。社倉。太守陳叔初。散在十七鄉。每鄉一所。取近便寺觀。建立鄉官里師主之。司戶提督。其法秋斂春散。每戶貸穀五斗。五等戶。服田力穡者。方許給借。游手末技者。不與焉。歲久弊生。或散而不可收。或積而不散。虧折拍壞者。皆責償於里師。非破家不已也。太守方達辰。欲採其弊。委官發穀買田。以為經久之計。名曰社莊。貯穀備荒。歸附後。則入于官矣。吉水志。義惠社倉。在州南二里許。至元戊寅。邑早。湯艱食。里人胡榮祖。倡義捐田。建倉。衡齋周茂實贊之。胡煥劉次雲。彝淳黃愷。夏得一。歐陽堯文。梁達泉等。五六十家。哀田助義。協濟邑南。周氏施故宅為廩。曰平濟莊。歲成輸官。貯其餘粟。以待來年艱食之月。賑濟邑民。不復取價。今計其田產可二十八伯碩。鄉斛至元年間。僉憲觀復馬公。昫親按視倉。賦詩嘉獎。吏局曰。義惠社倉。命郡人劉辰翁記之。大德三年。二憲魯山。斌公夢解勉勵。今有司。獨其輸官包納之費。於辰卯奉使宣撫。移咨省府。轉咨都省。揭榜禁治。沮撓民間。深得其志。南安郡志。社倉在郡治之西。與藥局對峙。舊稱安社。是二倉。其租州軍學。前後寺。或便滿。今



永樂大典

卷七五一〇

即地基。重建易名社倉。景定癸亥郡侯饒公忠能。博節浮費。積見錢二千緡。省充糶本。冬收夏貸。以濟艱難。蓋徵宋文公社倉之規也。官莊附軍倉之西。咸淳丙寅郡侯賈公善。世監到請吏。借兌官錢一萬貫。省買近城田。歲收租米。計省斛八百三十二碩有奇。遇夏秋之交。減價發糶。以濟艱難者。既寧志社倉一十二。崇安里東瑞相院。西鄉里同化院。梓溪里龍安院。禾供里林泉院。禾義里長樂院。豐樂里雙石院。禾吉里梁源院。慈惠里雲巖院。吉陽里上重院。梅歧里福慶院。麻溪里聖龍院。高陽里興福院。建安志社倉七。東莖里普照院。安泰里靈集院。漢西倉。建寧里歸復院。南才里資福院。川石里重興院。以上五倉。係紹熙五年上司行下置立。順陽里資福院。安泰里靈集院。漢東倉。以上二倉。係慶元三年。知縣事俞南仲增置。乙申上司照會。松溪縣志社倉一。蓋政鄉社。漢里。即行慶元二年。到五。浦城縣志社倉二。建陽縣水利倉。宋姓里。名社倉。在護國寺東。端平二年建。輿地紀勝。橫州社倉。橫州土瘠民貧。家無餘藏。化過年。人無餘貨之所。紹定元年。太守徐坡置米一千石。立為社倉。其口碑上戶立之。有四。而無種糧者。家貧一石。秋成。償官不取。其息。惟許主倉之人。量收一斗。以補鼠雀之耗。不使失人下。新昌縣志社倉。散在各鄉園。規制同高安。今改名義倉。昌國志社倉。舊有田六十七畝。淳熙十二年。縣令費翺建屋二十楹於龍峯山門之左。

永樂大典卷七五五

五

永樂大典卷之七千五百十

重錄總校官侍郎 臣高拱

學士 臣胡正蒙

分校官洗馬 臣林權

書寫儒士 臣孫悅

圖點監生 臣馬承志

臣吳敬